

TEKS UCAPAN
BRIG. JEN. DATO' PROF. DR. KAMARUDIN HUSSIN
NAIB CANSELOR UNIVERSITI MALAYSIA PERLIS (UniMAP)
SEMPENA MAJLIS PENYAMPAIAN SUMBANGAN BANJIR
DAN PRA PELANCARAN PERANCANGAN STRATEGIK 2011-
2015, 7 JANUARI 2011 DI MULTI PURPOSE COURT
KUBANG GAJAH.

Bismillahirrahmanirrahim

Assalamualaikum Warahmatullahi Wabarakatuh

Yang Berbahagia Prof. Dr. Ismail Daut, Timbalan Naib Canselor (Penyelidikan dan Inovasi) UniMAP,

Yang Berusaha Encik Zuber Bin Haji Mohamad, Pemangku Pendaftar UniMAP,

Yang Berusaha Puan Saodah Hassan, Bendahari UniMAP,

Yang Berusaha Puan Mazmin Mat Akhir, Pustakawan Kanan,

Wakil-wakil Media yang Dihormati, Warga kerja UniMAP, seterusnya hadirin dan hadirat yang dihormati sekalian.

BAHAGIAN MEDIA PNC (SUHANA / BASRI)

Selamat Pagi, Good Morning, Kalai Vannakam, Zao Shang Hao.

Alhamdulillah, syukur saya panjatkan ke hadhrat Allah SWT kerana mengizinkan kita untuk merealisasikan pertemuan pertama kita di tahun 2011 ini di Majlis Penyampaian Sumbangan Banjir Dan Pra Pelancaran Perancangan Strategik 2011-2015 pada pagi ini.

Marilah kita menadah tangan bersama-sama kerana kita masih diberikan peluang olehNya untuk menghirup udara segar di tahun 2011 ini dan berdoa semoga Allah SWT terus melimpahkan rahmat dan barakahnya untuk kita harungi perjalanan tahun ini.

Ladies and gentlemen,

I hope it is not too late to wish all of you Happy New Year! Every year is a new beginning for us and every year brings new opportunities. Last year has been a great year for us. This coming year then, let us look forward to a brighter future. Let us continue to **explore the heavens and the earth** around us, for knowledge is indeed power. As always, let us continue **to strive, to grow, to explore, to live and to learn**. It is my

wish to continue to lead you as best I can, and I hope we shall continue to build a greater future for all of us here in UniMAP!

Selamat tahun baru 2011 untuk anda semua dan semoga kejayaan terus menjadi milik kita dalam merealisasikan misi untuk memartabatkan UniMAP bukan sahaja di pentas IPTA tempatan tetapi juga antarabangsa. Ingatlah, tahun 2011 ini akan menjanjikan cabaran yang bukan sedikit dan saya amat memerlukan komitmen jitu dari anda semua.

Hadirin sekalian,

2010 telah meninggalkan kesan yang mendalam pada kita semua, antara perkara yang tidak dapat kita lupakan adalah bencana banjir yang melanda pada 1 November lalu ekoran hujan lebat yang berterusan selama beberapa hari. Kejadian ini merupakan yang paling teruk pernah dilaporkan berbanding kejadian banjir yang terjadi pada tahun 2005.

Bencana banjir ini telah menyebabkan berbagai kerosakan dan lebih 15,000 warga Perlis telah dipindahkan ke pusat pemindahan. Saya pasti ada diantara warga UniMAP yang turut terlibat dalam perpindahan ini.

Walaupun dilanda kesusahan, warga UniMAP masih mampu untuk memberikan bantuan kepada mereka yang memerlukan melalui aktiviti CSR di Hospital Tengku Fauziah

dan Sekolah kebangsaan Sena pada 8 dan 9 November 2010 lalu.

Sifat prihatin warga UniMAP ini dalam memberikan bantuan kepada mangsa-mangsa banjir membuktikan bahawa warga UniMAP sedia menghulurkan bantuan kepada sesiapa sahaja yang memerlukan. Saya amat berbangga dengan anda semua, syabas saya ucapkan.

Dalam pada itu juga, kita tidak pernah melupakan kesusahan 440 keluarga kakitangan UniMAP yang turut terlibat dengan bencana ini, atas keprihatinan inilah Majlis Penyerahan Sumbangan Banjir ini diadakan.

UniMAP sememangnya mencuba sedaya-upaya untuk membantu meringankan beban kakitangan yang terlibat dalam bencana tersebut dan saya amat berharap agar pertolongan yang tidak seberapa ini akan dapat membantu mereka.

Hadirin dan hadirat sekalian,

Tahun ini, UniMAP bakal menginjak ke usia 9 tahun. Usia ini jika ditransformasikan kepada usia anak-anak, maka anak itu pasti sudah berada di tahun 3 persekolahan dan bukan lagi kategori bayi.

Dan memandangkan 9 tahun bukan lagi usia yang boleh kita kaitkan dengan “UniMAP universiti baru” maka pengurusan tertinggi UniMAP telah menetapkan perancangan dan hala tuju UniMAP untuk tempoh 2011 hingga 2015. Namun, kecemerlangan UniMAP bukanlah bergantung kepada pengurusan tertinggi semata-mata, sebaliknya semua staf harus memainkan peranan penting dan tanggungjawab masing-masing dalam melaksanakan tugas yang diamanahkan.

Ibarat penyapu lidi, jika hanya seurat dua yang digunakan pasti tidak mampu untuk berfungsi sebagai penyapu sebaliknya apabila urat-urat lidi itu dicantumkan menjadi seikat atau secekak, barulah dapat menghasilkan penyapu yang dapat digunakan untuk menyapu.

Dan seperti itu jugalah kita di UniMAP. Sekali diterima bekerja, anda merupakan warga UniMAP yang mempunyai amanah dan tanggungjawab tersendiri. Maka laksanakanlah tugas dan tanggungjawab itu dengan sebaik mungkin dan niatlah setiap tugas yang dilakukan itu ikhlas kerana Allah SWT.

Hadirin dan hadirat sekalian,

Penetapan matlamat dan hala tuju UniMAP untuk 2011-2015 tidak menyimpang jauh dari misi nasional. Kita masih mengambil kira pentingnya NKRA, peruntukan dan pembangunan RMK-10 serta Model Ekonomi Baru (MEB). Keterlihatan Antarabangsa Yang Menyerlah **atau** Illuminate International Visibility menjadi Tema pemangkin ke arah mencapai sasaran yang telah ditetapkan.

Melalui tema ini, kita berhasrat meletakkan UniMAP terkenal di seluruh dunia. Antara yang telah dikenalpasti ialah untuk menjadikan UniMAP:

- **Terkenal di seluruh dunia melalui semakan keserakanan (*peer review in world ranking universities*)**
- **Pensyarah antarabangsa yang terkemuka**
- **Mahasiswa antarabangsa yang signifikan**
- **Pertukaran mahasiswa yang signifikan**
- **Hasil penyelidikan yang berimpak tinggi**
- **Meningkatkan sumbangan kepakaran di peringkat antarabangsa.**

Maka atas sebab itulah, kami sepakat memperkenalkan “tagline” **I +ve CHANGE** yang bertindak sebagai flagship dan sangat mementingkan aspek dinamik dan progresif dalam

usaha menjadikan UniMAP sebagai universiti yang berdaya saing di peringkat antarabangsa.

Namun, penetapan sasaran bagi tahun 2015 telah Berjaya kita gapai lebih awal iaitu pada tahun lalu, apabila penarafan SETARA oleh Kementerian Pengajian Tinggi telah meletakkan kita pada Tier 4 iaitu sangat baik dan pencapaian ini setiadak-tidaknya menjadi pembakar semangat untuk merealisasikan hasrat sebagai antara 500 universiti terbaik dunia menjelang tahun 2020.

I +ve CHANGE inilah yang akan memainkan peranan penting dalam melaksanakan misi dan visi UniMAP. Setiap satu perkataan membawa erti yang kita istilahkan sebagai PANJI KEMEGAHAN (Flagship) yang tersendiri.

I	Membawa pengertian Illuminati dan International.
+ve	Sifat positif yang perlu ada dalam diri kita.
C	Conductive Ecosystem
H	High Impact Research
A	Academic Eminent
N	Noteable, Wealth and Creation
G	Gorgeous Governance
E	Extra Ordinary Talented Graduates

Kesemua Elemen ini akan kita gabungkan dan adunkan sebaik mungkin untuk merealisasikan hasrat dan misi untuk meletakkan UniMAP sebagai antara 500 universiti terbaik di dunia menjelang tahun 2020.

Insyallah. Sama-samalah kita berusaha dan bekerjasama untuk memastikan misi dan visi ini dapat dicapai.

Hadirin dan hadirat sekalian,

Saya tidak ingin mengambil masa yang panjang pada pagi ini memandangkan kita telah menyusun pelbagai agenda. Cuma menjadi hasrat saya untuk menjelaskan secara ringkas, agar anda semua sedar dan maklum apakah penetapan matlamat dan hala tuju UniMAP untuk tahun ini sehingga 2015.

Sebelum mengakhiri ucapan, izini saya mendeklamasikan sebuah sajak bagi merangkulkan kembali hasrat dan misi UniMAP yang telah digubah khas oleh Professor Ismail Abdullah di Sarawak baru-baru ini.

Semangat UniMAP Strategi Santubung

Ilham iltizam
daya fikir, kepintaran
adalah minda adalah ruang
BAHAGIAN MEDIA PNC (SUHANA / BASRI)

halatuju UniMAP universiti kita
dalam kita jiwa keilmuan
dalam kita nafas keikhlasan
dalam kita ruang kecemerlangan
yang keramat

Minda dan prinsip kita
daya inovasi, inspirasi kesepasukan
kreativiti kita
mendarah daging
menghening sanubari:

Keterlihatan antarabangsa
Dinamisme, karisme
Mengejar masa
Keserakanan dalam kebijaksanaan
Merentas sempadan
Merentas peribadi
Melepas ilusi

Hamparkan..
Misi Nasional

Luaskan
Misi RMK10

Lebarkan
Misi PSPTN

Kembangkan
Misi MBE

Sebarkan
Wawasan 2020

Realisasikan
1Malaysia

Mercu tandakan
Kelas Pertama
UniMAP mantap
Berinovasi
Bertransformasi

Idea: Brig. Jen. Dato' Prof. Dr. Kamarudin Hussin
Sajak: Prof. Ismail Abdullah

Sekian, Wassalamualaikum Warahmatullahi Wabarakatuh.